

29-ը հոկտեմբերի, 2014թ.

Լոռու մարզպետ
Արթուր Նալբանդյանին

Հարգելի պարոն Նալբանդյան


Ամերիկյան խորհուրդներ կազմակերպությունն 2014թ-ին կրկին իրականացնելու է օրենսդիր եւ օրինաստեղծ մարմինների աշխատակիցների մասնագիտական կատարելագործմանը և փոխանակմանն ուղղված (Professional Fellows Program/PFP), որի մասին Ձեզ նամակով տեղեկացրել էինք անցյալ տարի: Այս ծրագիրը հնարավորություն է ընձեռում օրենսդրական մարմինների աշխատակիցներին մեկնել ԱՄՆ՝ ուսումնասիրելու ամերիկյան օրենսդրական հաստատությունների և կառույցների փորձը: ԱՄՆ այցից հետո ծրագրի՝ ԱՄՆ-ի կողմի մասնակիցները նույնպես հնարավորություն են ունենում փոխադարձ այցեր կատարելու իրենց գործընկերների երկրները:

Նամակին կից Ձեր ուշադրությանն եմ ներկայացնում PFP ծրագրի համառոտ նկարագրությունը: Երախտապարտ կլինեմ, եթե Ձեր աշխատակիցները նամակին կից ներկայացված ծրագրի համառոտ նկարագրությունը եւ ծրագրի վերաբերյալ տեղեկությունները հասանելի դարձնեն Լոռու մարզպետարանի աշխատակազմին, ինչպես նաեւ մարզի օրենսդրական հաստատությունների եւ տեղական կառավարման մարմինների մասնագետներին: Խնդրում եմ, որպեսզի ծրագրի հայտարարությունը ուղարկվի նաեւ ձեր էլեկտրոնային ներքին ցանցով: Համաձայնության դեպքում կարող ենք տրամադրել հայտարարության էլեկտրոնային տարբերակը: Ուրախ կլինենք պատասխանել PFP ծրագրին վերաբերող Ձեր բոլոր հարցերին:

Հետագա համագործակցության ակնկալիքով եւ հարգանքով՝

Քերին Սմիթ

Հայաստանյան գրասենյակի տնօրեն





Օրենսդրական ոլորտի մասնագետների (Professional Fellows Program/PFP) ծրագիրը հովանավորում է ԱՄՆ-ի Պետքարտուղարության կրթական և մշակութային գործերի բաժինը: Հայաստանում PFP ծրագիրն իրականացնում է Միջազգային կրթության ամերիկյան խորհուրդներ (Ամերիկյան խորհուրդներ) կազմակերպությունը:

Ամերիկյան խորհուրդների գրասենյակը հրավիրում է օրենսդրական ոլորտի երիտասարդ մասնագետներին ներկայացնելու օնլայն դիմումի հայտ մինչև 2014թ. դեկտեմբերի 1-ը:

PFP-ն հնարավորություն է ընձեռում խոստումնալից երիտասարդ մասնագետներին ծանոթանալու և գործնական փորձ ձեռք բերելու ԱՄՆ-ի կառավարական մարմիններում: PFP-ն ներգրավում է մասնագետների, ովքեր աշխատելով պետական մարմիններում, քաղաքացիական, կրթության հաստատություններում, քաղաքացիների շահերի պաշտպանության կազմակերպություններում ակտիվ ընգրկված են օրենսդրական և/կամ քաղաքականության մշակման գործընթացում: Ծրագրի մասնակիցները կլինեն PFP-ի ավելի լայն խմբի մաս, միանալով այլ երկրների մասնակիցներին: PFP մասնակիցները ԱՄՆ-ի քաղաքական գործընթացների վերաբերյալ իրենց մասնագիտական հետաքրքրություններն ու գիտելիքները կկարողանան խորացնել՝ հնարավորություն ունենալով աշխատելու Միացյալ Նահանգների պետական օրենսդրական մարմիններում, քաղաքապետարաններում, ինչպես նաև ԱՄՆ-ի Կոնգրեսում և քաղաքականության մշակման հարցերով զբաղվող ՀԿ-ներում:

PFP-ի նպատակն է մասնակիցներին հնարավորություն տալ՝

- ավելի խորը ծանոթանալու ԱՄՆ-ի օրենսդրական գործընթացներին,
- կարելու քաղաքացիական հասարակության դերը և ներգրավվածությունը քաղաքական գործընթացներին,
- ստեղծելու գործընկերական կապեր ԱՄՆ-ի և Հայաստանի հաստատությունների միջև,
- միասնական ուղիներ փնտրելու և գործնական լուծումներ մշակելու ընդհանուր մտահոգություններն ու խնդիրները հաղթահարելու համար:

PFP ծրագրի յուրաքանչյուր մասնակից հինգից վեց շաբաթյա վերապատրաստում կանցնի ԱՄՆ-ում: Ծրագրի նախնական ժամանակացույցի համաձայն 2015թ. գարնան ծրագրի մասնակիցներն ԱՄՆ-ում կլինեն ապրիլ-մայիս ամիսներին: PFP ծրագիրը տրամադրում է ճանապարհածախս, վիզայի վճար, առողջության ապահովագրում և կրթաթոշակ: Բնակարանը և սնունդը տրամադրում են նախապես ընտրված հյուրընկալող ընտանիքները:

Ծրագրին մասնակցելու համար դիմորդները պետք է՝

- լինեն Հայաստանի Հանրապետության քաղաքացի և բնակիչ
- դիմելու պահին լինեն 25-ից 35 տարեկան
- ունենան համապատասխան աշխատանքային փորձ և մտադրություն աշխատանքը շարունակելու իրենց երկրի պետական և հասարակական սեկտորում
- տիրապետեն անգլերենին: PFP մրցույթի առաջին փուլն անցնելու դեպքում մասնակիցների համար կանցկացվի TOEFL թեստ, եթե դիմորդը նախկինում չի հանձնել և չի կարող ներկայացնել TOEFL-ի (paper based) 500 միավորից բարձր կամ IBT TOEFL-ի 60 միավորից բարձր թեստի կամ դրանց համարժեք անգլերենի այլ թեստերի (օրինակ IELTS թեստի 6 միավորին) արդյունքները:
- ունենան առնվազն բակալավրի կամ ավելի բարձր աստիճան
- ցուցաբերեն առաջնորդելու և համագործակցելու իմաստություններ:

PFP ծրագրի մասնակիցներն ընտրվում են մրցութային կարգով:

Ծրագրին մասնակցելու համար դիմորդները պետք է մինչև 2014թ. դեկտեմբերի 1-ը ներկայացնեն օնլայն դիմում՝ <https://ais.americancouncils.org/pfp>

Ծրագրին դիմելու գործընթացի և մրցույթի անցկացման մասին մանրամասն տեղեկություններ կարելի է ստանալ PFP ծրագրի վեբ կայքից <http://professionalfellows.americancouncils.org/> կամ կարող եք դիմել Ամերիկյան խորհուրդների հայաստանյան գրասենյակ PFP ծրագրի պատասխանատու Նանե Աբրահամյանին ստորև նշված հասցեով կամ pfp@americancouncils.am էլ-փոստի խացեով: